

Թաղաւորութեան Տիրերեայ կայսեր, եկն 'ի կողմանս Յորդանանու քարոզել աշխարհի ապաշխարութիւն 'ի Թողութիւն մեղաց եւ մկրտել զմարդիկ : Եկն երեւեցաւ սրբիչն տիեզերաց ինքն Յիսուս 'ի Յորդանան, մկրտեցաւ 'ի Յովհաննէ սրբելով զՋուրս . բացան նմա երկինք, 'ի վերուստ Հոգին Սուրբ աղաւնակերպ էջ 'ի վերայ նորա . վկայեցաւ 'ի Հայրական ձայնէ Որդի սիրելի, և յայտնեցաւ աշխարհի Երրորդութեանն փառք Աստուածութեան :

Հերովդէս Անդիպաս չորրորդապետ աշխարհին Գալիլեացւոց, որդի մանկակոտոր Հերովդի մեծի, ռիսացեալ ընդ Յովհաննու, զի ստէպ յանդիմանէր զնա սակս զեղծ և անառակ վարուց, և կնոջն Հերովդիադայ եղբօր իւրոյ Փիլիպպոսի՝ զի բռնի յառիշտակեալ էր զնա 'ի գայթակղութիւն բազմաց, վասն որոյ կալեալ կապեաց զնա և առաքեաց 'ի դղեակն Մաքերունդայ, յայնկոյս Յորդանանու, և 'ի բանտի անդ ետ գլխատել զնա : Եւ աշակերտացն բարձեալ զմարմին նորա տարեալ Թաղեցին 'ի Սեբաստիա Գալիլեացւոց, ուր էին գերեզմանք մարգարէիցն Եղիսէի և Արդիու : Յաւելու Նիկիսիոր յոյն պատմիչ . Թէ Հերովդիադա վասն երկիւղին պահեաց առ իւր զգլուխն Յովհաննու, զի մի դուցէ վերստին միասցի 'ի մարմին նորա և յարուցեալ յանդիմանեացէ զինքն : Տես վասն այսր, 'ի վարս սրբոց, Հատ . Ա . երես 34 : Եւ Եւսեբ . Պատմ . Եկեղեցւոյ՝ Ա . 11 : (30) :

Այլ Յիսուս յետ մկրտութեանն վարեցաւ յանապատ՝ զաւուրս քառասուն փորձեալ 'ի սատանայէ, և յաղթեալ նմա, պաշտեցաւ 'ի Հրեշտակաց : Եւ ապա սկիզբն արար սերմանել զսերմն Աստուածեղէն վարդապետութեանն 'ի Հոգիս բանաւորաց, ուսուցանելով զապաշխարութիւն կենաց, յորդորելով 'ի պահպանութիւն Աստուածային օրինաց՝ դործովք բարեաց, եւ հաստատէր զնոսա մեծամեծ նշանօք և սքանչելեօք : Սկիզբն նշանաց եղև 'ի Հարսանիսն Կանայ՝ փոխեալ զՋուրն 'ի գինի . առաջին եւ երկրորդ անգամ յադեցոյց 4—5000 ժողովուրդս՝ որք լսին զբանն կենաց . երարձ զհիւանդութիւնս և զցաւս վերացոյց, կուրաց շնորհեաց տեսանել . սաստեաց մահու և ետ արտաքս զաւար իւր զչորեքօրեայ . տարերք լռեցին յաստուածային